

卯 5
442

梅氏驗方新編

第二集

天虛我生重刊

水腫	鼓脹	疝氣	肚腹	心胃	噎膈	乳部	手部
痢疾	霍亂	瘡疾	吐血	哮喘	咳嗽	痞積	黃疸



天
虛
科
生
重
刊

(第二集)

梅氏驗方新編

西湖伊蘭題



南京中医药大学图书馆版权所有

中華民國二十三年十月十日重刊初版三千部 計共七集定價三元二角
 中華民國二十六年八月八日重刊再版二千部 減收每部二元批發七折

贈送物品 如用此書 最有實益 蓋於平時 必不購買 此種書籍 得此可以 有備無患 不啻千金 肘後方也

梅氏驗方新編

第二集 定價四角

原刊者 梅啓照

重刊者 天虛我生

置版者 利用造紙廠

在無錫惠商橋普濟堂對面電話三五〇

發行者 家庭工業社

在上海南京路望平街口電話九四〇一四至一五

借板印刷不論多寡均按頁數統計每二面連紙印訂三厘底面雙算不滿千部者概加一厘單印一集亦可



北京中醫藥大學圖書館版權所有

梅氏驗方新編卷之二原卷十八

天虛我生重刊

手部

●手指上一切疔瘡 初起未成者用古泥牆上半中間小將軍草紫根者佳搗爛敷之即消 如已成者宜用小刀或磁鋒將瘡頭刺破即用猪胆壹個將胆柄剪去胆汁傾去壹半加雄黃貳分炙蜈蚣研末壹分黃靈三仙丹五分共研勻入胆內攪勻套指上紫根數日即愈

●螃蟹散 治手指縫腫痛不可忍或大指次指中間生毒名虎口毒若不早治即爛入手 用鮮活螃蟹搗爛敷上即愈 如無鮮者以蟹黃蜜調塗之愈後戒食蟹

●手指生蛇頭疔 用小泥鰕壹條搗爛敷之立愈

●手生舌頭毒 用蜒蟒研爛如醬搽壹日夜即愈

●指上生疔瘡 俗名天蛇頭 用雄黃七分 白芷叁分 共研細末入雄猪胆內調勻將指套入猪胆內以線紮之自愈 先將猪胆剪去蓋將胆汁傾去壹半方好入藥調勻套指如壹次不能全消再換壹個以愈為度

●手生天蛇頭方 元參五錢 甘草叁分共研細末用雞蛋白調搽立效

●天蛇頭生在指尖者 用猪胆壹個入雄黃叁分攪勻套指上縛貳叁時即愈 (一)

又方) 生鴨蛋貳個 蜈蚣壹條焙研末以壹半入鴨蛋內攪勻套指上俟蛋熱再用壹半入蜈蚣末壹半再套指上即消 (又方) 大蜈蚣壹條晒乾為末紙捲為撚點燃吹熄以烟薰指叁四次即痛止瘡消真奇方也

●手指紅腫作痛 俗名泥鰍肚 用酒調石灰敷之乾則再換數易即愈

●手指手掌受寒濕作痛 桂枝叁錢 真五加皮叁錢 當歸叁錢 白芷壹錢

木通貳錢 麻根貳兩 用猪前脚煮藥連湯食之即愈右手痛用右前脚 左手痛用左前脚

●手指砍斷 真降香研極細末糝之包以絲綿壹次即痊惟七日不可落水不可冒

風慎之慎之

●手生叉指 大指貳指間為虎口又名叉指 取石灰內未曾燒化過之石子 和

生蜜在粗石上椎融敷患處即愈

●手掌心生毒 手心忽腫突成疽晝夜疼痛非常名曰掌疽又名托盤用 元參

銀花各貳兩 生地 當歸各壹兩 紫花地丁五錢 貝母貳錢 水煎服未潰者叁服即愈已潰者八服收功 (又方) 用水藻如松毛者同生蜜搗爛塗之亦效

●穿掌毒 生手心中 新桑葉搗爛塗之即愈愈後戒食鵝肉為要

●手足疼痛及無名腫毒初起 用草烏叁五個醋磨塗之 或生南星磨塗亦妙

●手臂出血不止 有人右臂毛竅如針孔晝夜出血不止面色潔白身倦無氣用窮

山甲炒珠研為細粉罩之用帕紮住立止隨服補血湯數服而愈

●鵝掌風癬 手掌脫皮血肉外露 用豆腐熟沫洗之洗後拭乾塗以桐油再用松

毛燒煙薰之愈後戒食鵝肉 (又方) 用密陀僧壹兩為末取初出籠熱饅頭壹個分為

兩開將末撒在饅內合住以兩手把握饅頭使熱氣薰蒸良久不過叁肆次即愈 (又方)

用青鹽 防風 地骨皮 槐條 各等分煎水多洗極效 (又方) 用蒼耳子仁為

末將痂起去香油調搽神效並治牛皮癬 (又方) 真蘄艾四五兩煎水入大口瓦瓶口

上用粗麻布數層蓋口縛住將手心放瓶口麻布上薰之待溫以手洗浸如冷再熱再薰再

洗奇效 (又方) 雄黃 甲片火燒薰之數次自愈此呂祖乩傳之方 (又方) 艾葉

側柏葉煎湯薰洗壹月即愈 (又方) 用豆腐泔水洗手壹月即愈 (又方) 雄黃

甲片 五倍子去蟲 各五錢研細 蘄艾四兩 藥和艾葉放瓦瓶內將火燒烟薰之

立軟 (又方) 治鵝掌風並面癬諸癬天麻葉煮濃汁熱洗多擦之如無葉即用天麻子

煮汁亦效 (又方) 五倍子研末桐油調搽以炭火烘之

●指甲潰爛名代指 黃蠟 松香溶和作筒籠指頭上久之自愈



梅氏驗方新編 手前
指頭腫毒痛甚 烏梅肉和魚鮓搗爛封之極效

手足麻木不知痛癢 取霜降後桑葉煎湯頻洗有效

手指掣痛 醬清和蜜溫熱浸之痛乃止

手足腫痛欲斷 蒼耳搗汁漬之並以渣敷上立效 春用芽冬用子

治手足痛風方 黃芪 當歸 秦艽 等分浸酒飲之有效

風寒洗藥方 治感受風寒手足臂腿疼痛麻木並偏墜等症槐條四兩

透骨草壹兩 一枝蒿壹兩 木瓜壹個 連鬚葱頭貳拾個 蒜瓣子半挂

七味共熬水燙洗洗過仍將原水留着再熱再洗如水少再添一日可洗兩叁次壹料可用

數日以愈為度

治風濕臂痛 桑枝壹大把切碎水叁升煎貳升壹日服盡 許叔微常患臂痛諸

藥不效服此方數劑即愈 桐按此方頗效以東向之稍為良功能直達指尖

手足裂縫 瀝青貳兩 黃蠟壹兩熬膏敷之 (又方) 牛骨髓不拘多少 五

梔子炙研末搗和填入縫內即合 (又方) 頭髮壹大握桐油壹碗於瓦器內熬候油沸

頭髮溶爛出火以瓦器收貯不令灰入每用百沸泡洗裂處令軟拭乾敷之即愈 (又方)

五梔子 牛鼻繩共研末填縫內即合 桐按無敵牌蛤壳油填裂縫甚效



中醫藥大學圖書館藏

●手足凍裂 用蘿蔔菜橘皮煎湯先洗 再用蟹殼燒灰研末和麻油調敷 (又

方) 蘿蔔略剉空貯滿柏油火上熬透冷擦 (又方) 冬瓜皮 茄子根 煎水洗之

(又方) 鴿子屎煎水洗之

●手足諸病 手心足心突腫乃風也用川椒食鹽等分研末醋和敷之治手指甲頭

腫用烏梅搥碎去核去肉只取仁研爛米醋調敷雖潰亦愈 又治指縫搔癢成瘡有竅出

血不止用多年糞桶篾燒灰敷之

●手足閃拘 生姜葱白搗爛用燒酒和麵炒熱厚敷之

●手足酸痛微腫 芝麻研熬壹升 酒五升浸壹宿隨意飲之 又手掌及指層皮

剝落血肉外露痛癢不堪即鵝掌風用豆腐沫乘熱多洗數次即效

乳部

●治乳不通 絲瓜連子燒存性研末酒冲服壹貳錢蓋被取汗即通

●乳癰初起 芙蓉根切碎用酒煎盡量飲之即消

●專治乳癰乳疽乳中結核內外吹乳腫脹等症真乳症之至寶丹也修合濟人功莫

大焉 鮮石首魚脊翅炙研淨末五十兩 小青皮晒脆磨末壹百兩貳味細末共勻用

米飲湯泛為丸如梧子大磁瓶收貯每服叁錢葱白頭大壹個小叁個 陳酒送下酒隨量飲

醉臥蓋被出汗即愈避風為要 初起未成者壹服即消已成者服之內消外潰倘未潰連叁服無不潰者如已潰服之內消餘毒腫塊症重者外用丹藥拔毒去腐體虛者內服參著補托氣血之劑自然膿腐易去新肉漸生 桐按石首魚甬人稱為黃魚杭人稱為江魚

●積乳成癰良方

土牛膝根酒煎服極效

(又方)

鮮蒲公英連根搗爛取汁沖

酒服以渣敷患處即愈如無鮮者即以乾蒲公英用酒煎服並治乳癰亦神效

●內外乳吹未潰方

穿山甲酒炙黃脆壹錢五分

蟬退麻油炒透新瓦上炙燥四

分半共為末分作四服酒調下叁服必愈

●治乳癰乳癰

活蟹壹隻搗爛沖黃酒服即消

(又方)

舊木梳上垢膩刮下糝

膏上貼之即止痛

●治乳癰

葱白壹劬搗爛取汁以陳黃酒分貳次沖服外用麥芽壹兩蝦醬少許同

煎湯洗并用舊梳時時梳之

●治產母乳癰神驗方

生小米半杯無小米用菜豆紹興酒壹杯本地黃酒亦可令

患者坐住房門檻上面朝裏左手執米杯右手執酒杯以酒送米入口畢半日疼止腫漸消平復如常屢驗 (又方) 用全瓜萼壹個煨灰末黃酒沖服即愈

●治乳癰

當歸揀極大者

生地

金銀花

蒲公英各壹兩

右藥用黃酒壹鍾

半水壹鍾半沙鍋內煎好食後服被蓋煖令出汗仍以藥渣敷乳上即愈（又方）白戟

魚膠壹個於瓦上炙灰存性研細沖入熱老酒內送下重者更服壹個此方每試必效

又方）宣木瓜 鈎藤鈎 橘核以上叁味焙燥研末用黃酒調服自愈（又方）香

附末壹兩 麝香叁分 和研蒲公英叁兩酒煎服渣敷患處或以瓜萸壹個酒煎服亦消

●治乳癰初起 漏蘆 木通 川貝各五錢 甘草貳錢 以上四味用水酒各壹

碗煎服之立消（又方）用巴豆壹粒 細辛壹錢五分 以上貳味焙研用稀絹包縛

紫塞鼻孔壹周時即消（又方）生半夏壹粒塞鼻中壹宿即消癰生左乳塞右鼻癰生

右乳塞左鼻

●治乳巖 此病先因乳中壹粒大如豆漸漸大如雞蛋叁四年不破或七八年方破

破則難治初起宜急服此方 生蟹殼砂鍋內焙焦為末每服貳錢酒調下日日服之不可

間斷（又方）大瓜萸壹個半生半炒酒貳鍾煎壹鍾食後服

●治乳巖已破 荷葉蒂七個燒灰存性研末酒沖服 又方用 貝母 核桃楸

金銀花 連翹各叁錢酒水各半煎服

●治乳癰良方 兼治各種大毒 大當歸八錢貳分 生黃耆五錢 金銀花五錢

炙甘草壹錢八分 桔梗壹錢五分黃酒貳碗煎半飢半飽服

●乳少 乳少者血虛之故或產母去血過多又或產前有病以及貧賤之家僕婢下人產後失於調養血脈枯槁或年至四十血氣漸衰皆能無乳但服通脈散自有乳若亂用川山甲王不留行等味往往不效即勉強打通乳汁清薄令兒不壽且損傷氣血產後多病不久便乾反為不美

●通脈散

治血衰無乳或乳少

生黃耆壹兩

當歸五錢

白芷五錢用七乳猪

蹄壹對煮湯吹去浮油代水煎藥壹大碗服之覆面臥即有乳或未效再壹服無不通矣

●治乳腫奇方

蒲公英

澤蘭葉

金銀花

白芷

生甘草

木瓜各叁錢共為

末每服貳錢水酒各壹鍾煎服出汗即消

●栝萐散

治吹乳腫痛

栝萐壹個

乳香貳錢

用酒煎服

外用南星研末溫

湯調敷即愈

●湧泉散

治產母乳汁不通

王不留行

瞿麥

麥門冬

龍骨各貳錢用猪蹄

汁壹碗酒壹杯煎服

再以木梳於乳上梳下神效

(又方)

王不留行

天花粉

甘

草各叁錢

當歸貳錢

穿山甲壹錢五分炙黃共為細末每服叁錢猪蹄湯下或熱黃酒

下其乳如湧泉極效

(又方)

王不留行

通草

歸尾

炙穿山甲各等分七星猪前



蹄湯並黃酒煎服

●下乳簡便方 木通 通草 豕猪前脚蹄連湯一並食完 (又方) 紅砂糖煎

豆腐不用油鹽以黃酒共食之 又方 芝蔴炒研入鹽少許食之大便結者尤更相宜

●乳汁不通 鯉魚頭壹個燒研末每服壹錢酒調下 (又方) 黑芝蔴炒焦為末

每用叁錢熱酒冲服 (又方) 雄猪胰子切碎不另入油乾炒半熟以黃酒煮滾空心服

●乳吹 香白芷貳錢 川貝母叁錢共為細末以滾黃酒調服出汗頻以手擦患處

已成未成俱治 (又方) 用鵝毛煨存性研細末酒調服叁錢即愈

●吹乳極驗方 白芷貳錢 貝母貳錢 青皮壹錢 防風壹錢 炒麥牙叁錢水

貳茶鍾煎乘熱服之極效 (又方) 用葱壹大把連根搗成餅壹指厚攤乳上以灰火壹

罐覆葱上須臾出汗痛止腫消立愈屢屢經驗特重刊之

●吹乳結痛 蒲公英五錢 金銀花五錢 黃酒貳碗 煎壹碗食遠服壹劑即愈

如不愈再服斷無叁劑不愈者倘有膿服此亦輕熱服取汗仍以藥渣敷患處睡壹夜即消

●吹乳結乳乳滯 蒲公英壹兩入無灰酒壹觔煎熱服 (又方) 蚯蚓糞用陳醋

調塗患處 (又方) 生鮮山藥不拘多少搗爛敷之即消後即去藥遲則肉腐矣

●內外乳吹 乳內結核腫痛寒熱交作甚者惡心嘔吐胎熱所致為內吹兒食所致

為外吹並用此方皆效 柴胡 陳皮 川芎 山梔炒黑 青皮 煨石膏 酒炒黃芩

連翹各壹錢 甘草五分 橘葉廿片水貳碗煎八分食遠服 外用 葱白切碎炒熟

敷乳上以帛包之冷再換 (又方) 用不經鹽蟹殼瓦上焙乾為末熱酒冲服叁錢即愈

相按柴胡方治乳吹頗見效又下乳簡方用木通通草者亦屢效

●乳頭腫痛 鹿角尖燒灰存性研末酒調服貳錢外用葱白搗爛敷之

●乳結硬痛 大鯽魚頭煨灰酒調服貳錢汗出即瘥

●乳中有塊積久不消 活鯽魚壹個搗爛去鱗骨和老酒糟厚敷患處壹宿即消

乳串久潰 乳癰串爛年久不愈洞見內腑此方治之神效 取搥船櫓捏手之處舊藤箍

於陰陽瓦上焙乾研細末以竹管紮綳篩日日糝之如乾處以香油調搽半月必愈

②一醉散 治乳癰 石膏煨為末每服叁錢溫酒下能飲者添酒盡醉而睡壹服即

愈相按此方曾經屢試均效或加蒲公英三錢

●地丁膏 治乳吹並一切毒俱效 黃花地丁即蒲公英 紫花地丁各半觔 以長

流水洗淨用水熬汁去渣又熬成膏攤貼

●乳癰乳巖方 蒲公英 金銀花 夏枯草各五錢 土貝母叁錢黃酒貳碗煎壹

碗空心熱服愈 一方加當歸壹兩花粉叁錢甘草貳錢炙穿山甲壹片同上煎服



●治乳巖乳癰方 葫蘆巴叁錢搗碎酒煎服渣敷患處未成即散已潰即愈

●乳癰無名腫毒 芙蓉嫩根帶皮洗淨搗爛加鹽少許敷腫處留壹頭有膿即出少許而愈無膿即消其效如神

●乳吹乳巖方 大栝萸貳個去皮子多者有力 當歸酒炒 甘草各五錢 乳香

去油 沒藥去油各錢半共為末用無灰酒叁升砂鍋文火煎壹升分叁次食後良久服如有乳巖服此可斷根如毒氣已成能化膿為水如未成即於大小便中通利如痰甚者再合服以退為度

●治乳癰奇方 用青橘葉百片 青皮五錢 柴胡壹錢 水貳鍾煎壹鍾入好酒

半鍾熱服蓋被出汗立愈

●遠志酒 治乳癰奇方兼可托散一切腫毒 用遠志不拘多少米泔水浸洗槌去

心為末每服叁錢用好酒壹鍾調勻遲少頃澄清飲之將藥渣敷患處自愈 (又方) 鴨腳草又名鳳尾草搗爛入無灰酒煎數沸盡量飲醉破者以渣敷之

●乳癰 白礬 雄黃 松蘿茶各壹錢共研細末飽時服每用壹錢以豆腐皮包之

吞下飲酒盡醉未成者壹服即消已成者兩叁服即愈

●內外乳吹紅腫堅硬乳汁不行 生熟豆腐漿壹大碗內入通草灰貳分燈芯燒灰

貳分百草霜五分須鄉間燒茅草山柴鍋蒂上取下者為真統入腐漿內調勻壹氣食下頃刻通行即愈

●乳癰及內吹及外吹 砂仁去殼五分 冬葵子八分共研末作壹服用蒲公英五

錢 栝蓏仁叁錢煎水將前藥末調勻冲服如初起七日內者不過叁服即可內消

●乳頭破爛 敗龜板炙研細末加冰片研勻以麻油調搽即愈 (又方)

敷之極效

●乳上生痘 芝麻炒焦搗爛以燈盞內油腳調敷即散

●乳巖散 經霜上揀子叁兩 雄鼠糞叁兩 炙露蜂房叁兩共研細末每服叁錢

陳酒送下吃壹服間貳日再吃壹服神效

●乳起結核 初起並不疼痛最惡之症久之防成乳巖每日用山茨菰壹錢 胡桃

肉叁枚共搗爛用酒送下以散為度如不急治遲延日久不免變患莫測外仍用醋磨山慈

菰塗之

●乳頭開花 用諸藥不效者以寒水石壹錢研細末和冰片五厘用荸薺汁調搽或

荸薺粉加冰片以水調搽皆效

●簾珠倒挂 凡大人小兒胸間乳旁各生紅白瘰泡浸淫疼癢每處直長壹條連生



十餘個不等名曰簾珠倒挂久則殺人諸藥不效者用端午日人家簷口所挂刀茅取下連根葉切碎火煨研末香油調搽五六次即愈此係一過路僧人所傳屢試屢效

●治乳巖

栝萐壹個切碎

當歸五錢

蒲公英叁錢

乳香去油沒藥去油各壹

錢 生甘草貳錢

鮮橘葉每歲壹葉

右藥以酒煎服立消如初起只用橘葉壹味或栝

萐壹個煎濃湯冲酒服亦消

●治乳巖

枸橘李切片炙研每日酒調服貳錢服半月即愈

●乳痛良方

凡婦人無論實乳虛乳忽然紅腫作痛急將婦人梳篦上髮間垢膩剔

淨短髮細髮刮下垢膩搓成小丸外用雄黃裹之如桐子大勿令患人知以陳黃酒煮極熱吞下綿被覆蓋一汗而愈倘一服不效再二三服亦可數十年來愈人以千計矣

●治乳結欲作瘡並回退乳方

橘核

葫蘆各叁錢焙研末黃酒冲服如一劑不能

全消回退再服三劑必愈（又方）

麥芽四兩炒研末分作四服以兩日服完開水送下

退乳甚效相按麥芽退乳屢試皆效

●乳頭開裂

秋後冷露茄子裂開者陰乾燒灰存性研末用水調服

●乳癰乳巖乳串神方

用蟹殼不拘多少將童便浸七日每日換便一次浸足七日

放瓦上焙乾研為細末每服壹錢加入乳香去油壹分和好酒冲服盡量以醉為度壹服



消硬叁服全消服至全愈而止

●治乳巖及一切吹乳腫爛神效屢驗方 用橘壹枚連皮帶絡及核俱全者取瓦礫

片合而炙之至焦乃研末用黃酒吞服每服橘壹枚服至數枚即愈即腐爛潰膿已甚者服至十枚無不全愈真神方也惟橘每炙可叁四枚而研仍須各枚分研不可以貳枚併研切

記切記

胸膈部

●治胸中脹悶 陳皮壹錢 半夏錢半 甘草六分 白朮錢半 砂仁六分 香

附壹錢 姜叁片水煎服如中氣不足加台黨參壹錢亦妙

●治胸間食膈 白鳳仙花子叁合炒黃為末每服叁錢好酒送下

●治胸腹諸痛 並治小便不通 陳海蜃四兩 荸薺貳個煎湯服之神效

●胸膈忽然痰閉氣塞 白蘿蔔子炒香以白滾湯吞下數錢立通（又方） 新家

牙末壹錢河水煎湯服之即愈

●百疾消散 無論胸膈飽悶肚腹疼痛傷風發熱俱可治 蔥頭七根 生姜五大

片 陳茶葉叁錢 砂糖半酒杯水貳碗共煎熱服加陳酒隨量飲蓋被出汗諸病消散

惟暑熟天氣不宜多用生姜 天氣寒冷生姜加重

